


عمر الكلابي



UTL AT DOWNSVIEW



D RANGE BAY SHLF POS ITEM C
39 10 10 04 03 027 7

DR
451
S75

Sükrü, Mehmet
Bahriyemizin tarihcesi

PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY

2919

10/257

بحریر فزک تاریخچی سی

محرری :

مکتب بحریه حقوق بحریه دول و تاریخ
معلمی بیکیباشی

محمد شکری

صاحب و ناشری :

مزیت کتبخانه سی مؤسسی

محمد علی

حاصلات صافیه سی کاملاً دونمای عثمانی معاونت ملیه جمعیته
ترك ایدلمشدر.

فیثائی ۲ غروشددر.

برنجی طبع

حقوقی محفوظ و مطبوعی محدوددر.

مرکز توزیعی : استانبولده وفا جاده سنده مزیت کتبخانه سیدر.

مرتین عثمانیه مطبعه سی : ابوالسعود جاده سی نومرو ۶۸

بسم الله الرحمن الرحيم

الحمد لله الذي هدانا لهذا
ما كنا لنهتدي لولا أن هدانا الله

والصلاة والسلام على من لا نبي بعده

والله اعلم

بما نزل به الرسل من ربهم

والله اعلم بالصواب

والله اعلم بالصواب

والله اعلم بالصواب

والله اعلم بالصواب

والله اعلم بالصواب

والله اعلم بالصواب

والله اعلم بالصواب

والله اعلم بالصواب

والله اعلم بالصواب

والله اعلم بالصواب

Şükrü, Mehmet

مزیت کتبخانه سی

عدد

Bahriyemiziñ tarihçesi ۱۰

بحریہ مرکز تاریخ سی

صاحب و ناشری :
مزیت کتبخانه سی مؤسسی
محمد علی

محرری :
مکتب بحریہ حقوق بحریہ دول و تاریخ
معلمی بیکباشی
محمد شکری


حاصلات صافیہ سی کاملاً دونمای عثمانی معاونت ملیہ جمعیتہ
ترك ایدلمشدر.

فیثاتی ۲ غروشددر.

حقوقی محفوظ و مطبوعی محدوددر.

مرکز توزیعی : استانبولده وفا جاده سنده مزیت کتبخانه سیدر.

مرتبین عثمانیہ مطبعہ سی : ابوالسعود جاده سی نومرو ۶۸



DR
451
575

Handwritten call number or accession number.



دولت عثمانیه نك تاريخ بحريستدر بر خلاصه

« ملكك محافظه منه

خادم اولان اسباب
ووسائلك اهم واقدمي
جوارنده بولنان دكيزلره
حاكيت در. قوه بحريه
صاحبي اولمايان بر دولت
وقت حضرده ملكندن
استفاده ايدهميه چكي كي
هنكام سفردهده حربي
تمديد ايله مز.



آترانليك

شو ايكي دستور متين مشاهير بحريوندن : بارباروس خيرالدين پاشا
عسكري پيش نظر مطالعه
آلنديني تقديرده دكيزدن ايديله چك استفاده نك ، حائر اولديني
اهميت فوق العاده نسبتده ، زياده اوله جنفي حقيقي تظاهرايدر؛ كه بوندن
اك چوق حصه آله جق دولت، بش آلتى بيك ميلى متجاوز - فقط وسائل
مدافعه دن كلياً خالى - سواحلى اولان دولت عثمانيه اولسه بجادر !
برقوه فائقه ايله بحره حاكم اولان دولتك واودولتى تشكيل ايدن
وباشليجه تجارت بحريه ايله اشتغال ايله ين ملك حائر اولديني نفوذ
وحثيت و ثروت نقطه نظرندن اكتساب ايله ديكي اعتبار و اهميت بالظبيع
درجه قصواى كماله واصل اولمش بولنور.

بو بر باهر حقيقت در، که بحرى بر ملت ايچون بونى اغماضه يلمتمك نوره ظلمت در ديمك قدر رؤيت بصردن محروميتى کوسترن بر فلاکت در. زمانك بى امانغى، احتياجك نه قدر شديد، نه مرتبه مبرم اولديغى پيش نظراهميته آلتمايه رق ليت لعل ايله وقت کچيرمك ايلروده هيچ بر تدبير ايله دفع ايديله ميه جك، دها طوغريسي هيچ بر وجه ايله تعمير قبول ايله ميه جك بر خرابى يه سبب اولور.

شونظرياتي قارئين محترمه نك پيش تأمللرينه وضع ايتمكدن مقصد عاجزانم حال حاضرده دونمايه اولان احتياجا تمزك نه مرتبه ده عظيم ومهم اولديغى و بو يوزدن كله بيله جك ضرر وزيانك جسامت واهميتى بر قاج قيصه سوزله عرض ايده بيلمش اولمقدن عبارت در.

بومقصدك تمامى حصولى ايچون ماضيمزده بر کره ارجاع نظر ايتمك فائده دن خالى دکلدر ظنده يم! بناءً عليه (۱۰ تموز ۱۳۲۴) تاريخنه قدر هر درلو محروميتلر ايچنده يانوب قاوورولمش اولان، ماضيسى غايت شانلى، استقبالى بويوك بويوك همترلر، عاليجنابانه، جانشپارانہ فداكارلقلره باغلى بولسان عثمانى ملت معظمه سنك سلامت حاضره و آتیه سنى تأمينه مقتضى وسائلك اك مهمى قوه بحريه سى اوله جغى حقيقتى اظهاره مدار اولور اميدقوييسنده بولنديغمه مبنى یدی عصرلق شئونات تاريخيه سندن حياتم قدر سوديكم شرفلى مسلكمه عائد وقوعات بحريه سنى بالتتابع يابه بيلديكم شو كوچوك اجمالى محترم قارئينك نظر عبرتلرينه عرض ايله بين الدول موقع قديمزى يكيىدن قازانمق واستقبالك بزه تحمیل ايله ديكي حصه وظائفى حقيه ايفا ايده بيلمك ايچون نه مرتبه جوانمردانه غيرت، فعاليت، علوجناب، فداكارى، ثبات و متانت کوسترمه مز لازم اوله جغى على قدر الاستطاعه تعينه چاليشه جغم. توفيق اللهدن.



بحریہ مزك تاريخچه سی

عثمانیلر دکیزده ایلك دفعه قره مرسل قایقلى دینلن وحالا
مرمره سواحلنده نقلیات ایچون قوللانیلمقده اولان مراکب صغیره
ایله کورولمشلردر. بانی بنیان سلطنت عثمان غازی دورنده مرمره
دکیزینک آناتولی ساحلندن برکوچوک قسمنه صاحب اولان نوظهور
دولت عثمانیه بوقایقارله کیوس وایمرالی کبی برایکی آطه جق اوزرینه
سوقیات عسکریه بیله اجرا ایتمش وغازی اوزخان دورنده شهرزاده
سلیمان پاشانک ایکی صالنه متوکلا نه دکیزه صالدرمه سی نتیجه سی اوله رق
روم ایلی فتوحاتنه باشلانیلمه سی وسائط بحریه یه حاصل اولان احتیاجه
مبنی سلطان مراد اول زمانندن اعتبارآده کایبولیده سفائن نقلیه
انشاسنه تشبث اولمش در (۷۶۳). بوتاریخ بزده انشات بحریه نک
مبدئی عد اولنور.

تاریخ مذکور دن بدء ایله اذمید، کلیمک، کایبولی کبی مواقع مناسبه
دولت علیه جه ترسانه اتحاد اولنه رق ایجاب مصلحتیه و الده بولسان
دکیزه کوره لزومی قدر سفائن انشا ایتدیرمکه تشبث اولمش، افراد
عثمانیان دخی ینه بوزماندن اعتباراً دکیز معاملاتنه آلیشه رق آغیر
آغیر بحر ایله الفت وانسیت کسب ایتمکه باشلامش در.

بایزید اول زماننده کایبولی لیمانی توسیع وتحکیم و آق دکیز
آطه لرندن بعضلری اوزرینه افرادی صرف باشی بوزوقلردن عبارت
برده دونما سوق ایدیلوب خیلیجه موفقیت استحصال ایدلمش وچلبی

سلطان محمد دورنده وندیک دونماسیله کلیولی آچیقارنده وقوعه کلوب عثمانی دونماسنک مغلوبیتیه ختام بولان برمحاربه دن صوکره اوزمان دنیانک اکثرق بردولت بحریه سی صاییلان وندیک جمهوریتنک انشات بحریه ده کی ترقیاتنه تقلیداً سفائن عثمانیه نك طرز انشالری دکشیدیرلش و بحر سفید و سیاهک کمی انشاسنه صالح اولان سواحله ده اولدجه متین و منتظم کیلر یایدیرلغه باشلانیلش ایسه ده یکدیگری متعاقب سرزده ظهور اولان غوائل داخلیه یوزندن ایش ایلری کوتوریلهمه مش در. سلطان مراد ثانی دورنده دخی غوائل داخلیه و خارجیه دن باش آله مادیغنه مبنی امور بحریه لزومی قدر اهمیت ویریلهمه مش و فقط فاتح سلطان محمد خان دورنده توسیع ممالک ویریلن اهمیت نسبتده دونما مورینه ده صرف همت ایدیلوب بوزماندن اعتباراً انشات و ترقیات بحریه جدا اعتنا قلنمش و دولت علیه بحراً دخی لایق اولدینی موقع معنایی احرازه موفق اولوب همتک ثمره فعالمه نی مظفريات بحریه متابعیه نائلیتله اقتطانه باشلامش در.

فاتح کلیبولیده بالاحضار استانبول محاصره سنه کتیردیکی دونمانک خیالیجه خدمتی کورولدیکنندن بعد الفتح کلیولی ترسانه سنه ویردیکی اهمیتی تزید ایلهدیکی کبی قادرغه لیماتی اصلاح ایله انشای سفائن ایچون مرسا اتخاذ ایتش و بویوک سفینه لر ایچون اولاً یالی کوشکی ساحانی و بنده قاسم پاشا سمتی ترسانه اتخاذ ایله ایتالیا دن معمارلر جلب ابددرک ۳۰۰۰ طونه قدر جسامتده قالیونلر انشاسنه و او عصرده آق دکنزی بنسبه مش اولان وندیکیلری تهدید ایده جک مرتبه ده دونما تدارکنه موفق اولمش در.

فاتح انشا و تجهیزینه موفق اولدینی دونما سایه سنده آرشیلر داخلنده کی بعض جزائری واردوی هایون ایله ابراکده قره دیکرک

آناطولی سواحلی وقریم شبه جزیرہ سنی و آزاق دیزی ساحلرینی داخل حوزہ حکومتی ایتش در.

فاتحک دونما سایہ سنده ایتالیا سواحله بیلہ عسکر سوقته موفق اولدینی نظر دقته آندیغی صورتده جهت بحریہ ویردیکی اهمیتک واقطاف ایتدیکی ثمرہ موفقیتک مرتبہ سی لایقیہ تظاهر ایدر.

سلطان بایزید ثانی دورنده دولت علیه بحرأ برقات دها تعالی ایدرک منهور کمال رئیس قومانداسیلہ اسپانیہ صولرینه قدر بر آغیر دونما کوندرمک اقتدارینی احراز ایتدیکی وکیدن دونمانک قورسیقه وساردینیه آطلری میانده کی بونیفاجیو بوغازینی سالماً مرور ایلہدیکی وقایع عظیمہ تاریخیه دن در (۱۸۹۲). بو بوغازدن او وقته قدر بویوک بردونما کچمه مش و بوغاز اسقندیل وسواحله دائر تدقیقات مکمله اجرا ایدلمه مش ایدر. موفقیت واقعه ایلک دفعه اوله رق عثمانلی بحریوننه نصیب اولمش در.

دور مذکورده (۱۰) قطعہ سفائندن عبارت برجسیم دونمانک دخی قره مان سواحلی اورینه چیقارلدیغی کبی (۱۸۹۸) ده (۳۰۰) قطعہ سفائندن عبارت اولن بر هیبتلی دونما آدریاتیق دکزینک آرناوودلق و خرواستان سواحلی اورمق اوزره کوندردلیکی ومورا سواحله کی ونڈیکیلر یندنه بنان لیمان وقلعه لر همان کاملاً استیلا ایدلیکی و بودونما میانده (۲۰۰) طونه لق قالیونلر دخی بوانوب اوزمانک ترقیات بحریه سنه موافق مکمل کیلر اولدینی اخبارات تاریخیه ایلہ مؤید در.

ایشته بو ترقیات سریعه سایه سنده، که (۹۰۵) سنه سنده وقوع پولان سابیانجه و آنی متعاقب اینه بختی محبه لرنده ونڈیک واسپانیول دونمالرینه قارشی احراز ایدیلن مظفریت غایت پارلاق اولمش در؛

فقط (۹۰۹) تاريخنده وندیکه مصالحه عقدايدلمکه بعدما امور بحريه يه پک ده اولکی قدر اهميت ویرلديکنه مبنی اسفار بحريه جه بر دور توقف باشلامش و بوحال سلطان سليم اولک اواخر سلطنته قدر دوام ایتمش در. سلطان سليم دورنده مشهود اولان بو توقف شهریار مشار- اليهک مسامحه سندن نشئت ایتمش اولمايوب مدت سلطنتک آزلغندن وباشليجه شرق امور مهمه سيلاه توغلندن ایلری کلمش ایدی. بونکه برابر قاسم پاشا سمتنده کی ترسانه یی توسيع و مخزن و کوز و مغازه لرك اعدادینی تکثير ایدرک عزب قپوسندن خاصکويه قدر (۱۶۰) پارچه ابنیه جسيمه يلاه برده بويوک ديوانخانه یی حاوی برجسيم ترسانه وجوده کتيرمش وانشاءات ايچون لزومی اولان هر کونا وسائلک اکلانه صرف همت و آق دکنر سواحلنک همان کاملاً استیلاسنه کفایت ایدرک قدر جسيم بردونما تدارکنده مسارعت ايله مش ایدی؛ فقط مصر و عربستان سفرلری مقصدينک اجراسنه مانع اولديغنه مبنی آوروپا طرفندن بويوک بر مشغله چيقارماق ايچون عثمانلی قورصانلری نیيله سفردن قطعاً منع بيورمش ایدی. بوسوعيت اوزرينه کوكلو قپودانلرك اکثريسی قورصانلغی ترك ایتمک مقصديه حدود عثمانیه خارجه چيقان آفريقه نك سواحل شمالينده يرلشمش لر وکافی السابق آوروپا لیلرله محاربه دن بر آن خالی قالمش لر در. بزده قورصانلق بو زماندن اعتباراً فوق العاده ترقی ایدرک قورصان قپودانلری میاننده بارباروس خيرالدين، طورغود، قلیج علی پاشا لركي يالکز بردانه سی بر بويوک ملت ايچون مدار شرف و افتخار ابدی اولان اعظم يتشمش وبوئلر بالاخره دولتک رسم دونماسنه قبول اولنه رق شوکت بحريه عثمانیه یی بردن بره سطون و مکتک اوج اعلاسنه قدر اصعاد ايله مشلر در.

دور سلطان سلیمانی دہ دولت عثمانیہ نك ترقیات بحریہ سی مرتبہ کماله واصل اولمش و بحر سفید و سیاه ایله آزاق، مرمره، آدریاتیق د کیزلرندن باشقه بحر احمر، عمان و هند و فارسی د کیزلری دخی عثمانلی دوتناسنه جولانگاہ اولمش در .

سلطان سلیمانك ۹۲۸ سنه سنده کی ردوس سفرینه ۷۰۰ پارہ دن زیاده برمهیب دونما چیقاردینی و بواثنادہ حکم و نفوذ عثمانی آلتندہ بولنان بحار سائرہ دہ دخی برخیلی فیلولر موجود بولندیغی نظر مطالعہ یه آله جق اولورسه دور مذکورده دولت عثمانیہ نك قدرت بحریہ جہ نہ قدر مدہش بر مرتبہ یه واصل اولدیغنه دائر برکوزل فکر ایدنمک ممکن اوله بیلیر .

آرشیل داخلندہ بولنان کافہ جزائر ایله شمالی و شرقی آفریقہ و جزیرۃ العرب ساحلارینک قبضہ تصرفہ انتقالی و هندستانک سواحل غربیہ سی اوزرنده بولنان بعض نقطه لرك دائرہ نفوذ عثمانیہ ادخالی هپ بودونما سایه سنده اولمش ایدی .

سلطان سلیمان دورنده عثمانلی دوتناسی آق دکزده حاکمیت مطلقه احرارز ایتدیکی کبی عثمانلی قورصان فیلولرینک ایتالیا و اسپانیا ساحلارندن باشقه آیسلمد ایله اسقاندیناویا سواحلنه قدر کیدوب سواحل مذکورہ یه دہ آتش و قان ایله تهدید ایله دکلری و مظفریات عظیمه ایله غنائیم کثیره یه نائل اولدقلری تواریخ غربیہ دہ مسطوردر . خیرالدین پاشانک مشهور پرہوزہ محاربہ سی و آوروپا اهل صلینک قوای مجتمعه عظیمه سنه غلبه سی شایان حیرت وقوعات تاریخیہ دن در .

بودورده اسپانیول و پورتکیز دوتنمالرینه دفعات ایله غلبه ایدلمش

و آوروپا قوای مجموعہ سنہ قاتق بر قوتلہ دکیزلر اوزرنده اجرای احکامہ موفقیت الویرمش در .

خیرالدین و طورغود پاشا لک بشنجی شارلہ قارشی فرانسه حکومتی صیانہ ایکی دفعہ آق دکیزه سوق اولنملری و پیالہ پاشانک مشہور تجربہ مظفریت عظیمہ سی عثمانی ملتک بجرأ احرار از ایلہ دیکی شرف و تعالیٰ یہ پک کوزل برر مقیاس اولہ بیلیر .

سلطان سلیم ثانی دورندہ قبریس آطہ سی فتح اولندیغی و کرید آطہ سی تخریب ایدلیدیکی حالہ یکی چری آغالغندن قپودان دریالق مقامہ کلش اولان مؤذن زادہ علی پاشانک غفلت و خود بینلکی و ایدیلن نصایح و اخطارات خیر خواہانہ یہ عدم التفاتی یوزندن لیانتو اوکنده آوروپا حکوماتندن اکثریسنک بالاتفاق جمع و سوق ایلہ مش اولدقلری اہل صلیب دونماسنہ قارشی مغلوب اولماسی ، دونمای عثمانینک عصرلر محصول مساعیسی و بویوک بویوک فدا کارلقلر یادکار قیمتمداری اولان بر مقام عالی و منفرددن سقوطنہ بادی اولمش در (۹۷۹) بوزمانہ قدر آوروپا افکار عمومہ سی عثمانیلرک دکیزدہ مغلوب اولماز بر قوت اولدیغنہ قانع ایکن بووقعہ مذکورہ نتیجہ سی اولہ رق قناعت واقعہ نک یا کاشاغنہ حکم ایدلمکہ باشلانیلمش در . اہل صایب دونماسی پاپانک دعوت وغیرتی ایلہ «اتفاق مقدس» نامی آلتندہ بالاجتماع دونمای عثمانی لیانتو کورفزینہ چکیلیدیکی صوک بہار موسمنده آکسزین کورفز جوارینہ کلش ، کیلرک محتاج تعمیر وعسکرک قسماً ترخیص ایدلمش بولنماسندن بالاستفادہ استحصال مظفریتہ موفق اولمش ایدی . لیانتو وقعہ مهمہ سی تاریخک دائرہ شمول و احاطہ سی داخلندہ اولان زمانلرک ابتداسندن بری جاری و دستورالعمل اتخاذ ایدلمش اولان بر قاعدہ مهمہ حربیہ بی تبدیل وتغییرہ بادی اولدی : شویلہ ، کہ بووقعہ

مهمه ده وندیکلیلرک ، سفائنک بورده لرینه منتظم لومبارلر آچهرق متحرک قیزاقلر اوزرینه طویلر وضع ایلدکلی، یدی قطعہ غالیس تعیراولنان قالیونلرینک خدمات فوق العاده سیله طویک محسناتی تقدیر ایدلمش و دشمنک خط حربنه موازی نظام حرب اخذ ایدمک امکانی حصوله کتیرلمش اولمغه وقعۀ مذکوره محاربات بحریه ده کورکله هجوم واسلحه جارحه ایله حرب ایتمک لکک نہایتی عد اولنمشدر.

دولت علیه بومحاربه ده (۱۵۳) کمی غائب ایتدی . اصل شایان تأسف اولان جهت دونمائی اداره ایدمک اولان امرا و ضابطان ایله معلم افراد عسکریه نک ضایعات عظیمه یه اوغرامسی ایدی. دولتک استطاعت مالیه سی نسبتنده دونما تدارکی ممکن اوله بیلیر ایسه ده میدانه چیقان دونمائی قوماندایده جک امرا و ضابطان ایله اودونمائی اداره یه کافی عساکر معلمه تدارکی درجۀ استحاله ده در.

دولت علیه نک اودورده ثروت و مکتتک مرتبۀ غایه سنه واصل اولمش بولماسی سایه سنده مقام قیودانی یه کتیریلن قلیج علی پاشا ایله صدر اعظم صوقوللو محمد پاشا واسبق قپودان دریا پیاله پاشارک امثالسر اولان غیرت و همتلری ثمرۀ خیریه سی اوله رق ایرتہ سی سنه (۲۴۵) قطعہ سفینۀ حربیه نک آق دکیزه چیقارماسنه و اهل صلیک مورہ سواحلی استیلا فکریله کوندردکلی بویوک بردونمائی میدان او قوماسنه موفقیت حاصل اولمش و بو موفقیت - آروپا مورخلرینک دخی اعترافلری وجه ایله - ینه قوتجہ عثمانیلرک مادوننده بولندقلریخی میدان ثبوتہ چیقارمش در . (۹۸۱) ده دخی آق دکیزه چیقان دونمائی عثمانی ایتالیا سواحله کچوب اسپانیه یه تابع بولنان آپولیا قطعہ سنه هجوم ایله ساحلر نده کی قلعه لری تخریب و اموال و اهالیسنی اغتنام و اسیر ایله دی .

ایشته بومظفریتك نتیجه سی اوله رق وندیک حکومتی اسپانیا
مغلوبیتك ضایعاتی بر مبلغ کای ویره رک مع زیاده تضمین ایله بر معاهده
صلحیه عقدینه موفق اوله بیلدی . (۹۸۲) سنه سنده ده (۲۹۸)
قطعه سفائن حربیه دن مرکب بر آغیر دونما ایله آفریفه سواحلنه
حرکت اولنوب اسپانیولارک یدندن تونس قطعه سی استرداد ایدلدی .
بوتاریخدن صوکره کرید آطه سنک نتیجی تشبته قیام اولندی
(۱۰۵۵) تاریخنه قدر دولت علیه حرب ایچون آق دکیزه دونما
چیقارمدی . آرده کچن (۷۳) سنه دن عبارت بر اوزون مدت
ظرفنده - سلطان مراد ثالث و محمد خان ثالث عصر لرنده یوز
کولدره جک بعض مظفریتلر استثنا ایدلدیکی صورتده - مظفریات
متابعه سیله جهانیه ولوله صالمش اولان او قوجه عظمتلی عثمانلی دونماسی
انجق سواحل ممالک محروسه نک محافظه سیچون همان هر سنه ایلك
بهارده آق دکیزه چیقاریلوب کوز موسمنده ترسانه یه جلب اولنور
برقور قولق منزله سنه تنزل ایلدی .

سلطان مراد ثالث دورنده انکلتزه ایله اسپانیا میاننده وقوع
بولوب دنیانک اک بویوک محاربات بحریه سنندن برینی تشکیل ایدن
مانش دکیزی محاربه عظیمه سنده انکلتزه قرالیچه سی الیزابتک مکرراً
مراجعت واقعه سی ورجا و التماسی اوزرینه جزایر فیلوسنک محاربه
مذکورده انکلز دونماسنه معین وظهیر اولدینی واسپانیولارک مغلوب
اولماز آرماداسنی غایت مدهش بر مغلوبیته اوغرا تدقلری انکلز لسانی
اوزره نظم و انشاد ایدلمش اولان فخریه ونشیده لرده بر لسان ستایشله
یاد ایدلمش در .

ینه بودورده چغاله زاده سنان پاشا مسینا قلعه سنک اطرافیه
سیچیلیه جزیره سنک اکثر سواحلی عمراندن بر اثر بیله مشاهده

اولنہ میہ جق بر حالہ کتیرنجہ یہ قدر تخریب ایلہدی . چغسالہ زادہ نک بوسفرده اسپانیا حکومتی علیہنہ ایراث ایلہدیکی خسارات عظیمہ بوندن اولیکی پیالہ وعلی پاشارک وقوعہ کتیردکاری ضرورزیانی دخی اونوتدیرہ جق درجہ لردہ اہمیتلی ایدی . سلطان مصطفای اول دورندہدہ قرہ د کیزدہ قازاقلر علیہنہ بر بویوک مظفریت اکتساب ایدلدی . سلطان مراد رابعک اواخر سلطنتہ طوغری وندیک حکومتی طرفسندن اولونیه قصبہ سنہ بحرأ تجاوز وقوع بولدینی جہتلہ دولتجہ تدارکات بحریہ یہ تثبت اولندی .

قلیج علی پاشانک قہودانلنی اواخرینہ قدر دونمای عثمانی میانندہ ایکی انبارلی قالیونلرک بواندینی تاریخأ ثابت اولوب آندن صوکرہ قالیونلر تجهیزات حربیہ لرندن بالتجرید صرف امور نقلیہدہ استخدام اولنہرق بعدہ بوسبوتون ترک اولمقلہ حرب ایچون پرووہ جہتلیری اوچر ثابت طویلہ تجهیزات اولمش خفیف قادرغہلر قوللانیلمغہ باشلانیلدی . آوروپالیرک کرک سفائک اصول انشالری وکرک تجهیزات حربیہلری نقطہ نظرندن رونما اولان ترقیات متادیہ سنہ قارشلی دولت عثمانیہ نک قادرغہ قوللانمقلہ اصراری بحرأ دائماً دوچار تنزل اولماسنی ایجاب ایتدیرمکلہ قوہ بحریہ عثمانیہ بر انحطاط کلی یہ اوغرا دیغندن وندیک حکومتی شوزمان فرصتدن بالاستفادہ الندن چیقارمش وعثمانیلرہ قایدیرمش اولدینی ممالکدن بر کوچوک پارچہ نک اولسون دونماسی سایہ سندنہ استردادینہ موفق اولمق امیدینہ دوشمش ایدی ؛ فقط بودفعہ کی تدارکات حربیہ نک جدیت وجسامتنہ مبنی حکومت مشارالہا الی بیک دو قہ آلتونی تضمینات حربیہ اعطاسیلہ تجدید مصالحہ یہ مجبوریت کوردی .

(۱۰۵۲ و ۵۳) سنہ لرندہدہ اوزون پیالہ پاشانک ہمتیلہ ایتالیا

سواحلہ تعرض و برایکی قلعه تخریب و برچوق اموال اغتنام ایدلدى .
 (۷۳) سنه دوام ایدن بوتوقدن صوكره دولتك توه بحریه سی
 یکیدن جانلامغه باشلادی ؛ چونکه سلطان ابراهیم کرید آطه سنك
 فتحی تصمیم ایتش و بوده آنجق قوتلی بردونمانك وجودینه متوقف
 بولمش اولمغه سواحل عثمانیه ده کی ترسانه لرك كافه سنده انشای
 سفائنه تشبث ایدیلوب مدت قلیله ظرفنده مکمل مجهز برچوق کمی
 وجوده کتیرملکه (۱۰۵۵) سنه سنده مجموعی (۳۴۸) قطعه حرب
 و نقلیه سفائنه بالغ بر دونما ایله الی بیک محاربیدن عبارت بولنان بر
 اردو کرید اوزرینه سوق ایدلدى . بو زماندن اعتباراً ابتدا ایدن
 ونديك محاربیه سی (۲۵) سنه دوام ایدوب دکزده و قرده برچوق
 قانی مصادمه لر وقوع بولمش و نهایت آطه نك کاملاً دولت علیه
 تصرّفنه کچمه سیله ختامپذیر اولمش در (۱۰۸۰) .

یکرمی بش سنه دوام ایدن کرید محاربات متسلسله سنده بحرأ
 وقوع بولان مصادمه لرك اکثریتله ونديکلیلره مساعد نتیجه ویرمه سی
 و آنلرك آق دکز بوغازینی آبلوته آلتنده بولندیرمغه جرأت کوسترمی
 عثمانی دونماسنده قالیون قوللانیدلماقده اولماسندن نشئت ایتمکده
 ایدی .

(۱۰۶۰) تاریخنده ونديکلیلرینه آق دکز بوغازینی قبادقلرندن
 دولتجه کوچ حال ایله ، اعدایه مقاومت ایدوبیلیمک آنلرك وسائط
 حربیه سنه معادل وسائط استعمال ایتمک متوقف اولدینی حقیقتی
 اکلاشیله رق (۳۰) قطعه قالیونك بردن انشاسنه تشبث اولندی .
 بوتاریخ دولت علیه ده قالیون دینیلن سفائنك مبدأ انشالری تاریخیدر .
 عثمانی بحریه سنده قالیونلر انشا واستعماله باشلانیدقن صوكرده
 ونديکلیلره وقوع بولان محاربیه لرك بعضلری قازانیلدیغی حالده بر

طاققلى ده غائب ايدلمش و بونك سببی ايسه بحر یونمزك قالیونجیلقدده کی عجمیلکلی اولمش در ؛ مع مافیه بو صرده ده دولتك داخلاً و خارجاً غوائل کثیره سی باشندن آشدینی جهته (۱۰۶۹) تاریخندن سوکره قوه بحریه عثمانیه پک زیاده دو چارتنزل اولوب ترسانه اموری بوسبوتون یوز اوستی براقیلشمش و موجود اولان کیملر ویران و خراب اولغله اکثریسی دکره چیقاماز برحاله کلش در .

(۱۰۷۳) سنه سنده صدر اعظم فاضل احمد پاشا قوه بحریه نك لزوم اصلاحی پیش نظر التزامه آلدینی و موفقیت ده یوز کوستره جکی بدیهی بولندینی حالد ترسانه منسویینندن بعض جاهل خونه نك تسویلاتنه قاپیلهرق دونمای عثمانینك (۸۰) قطعه قادرغه دن عبارب اولماسنه قرار ویردی . شو قرارك ایجاباتندن اولهرق دولت علیه فی مابعد قوه بحریه سی میاننده قالیون بولندیرمقدن صرف نظر ایلهمش اولغله صدر مشارالیهك اصلاحات نامنه بووجهله ظهور یافته اولان اجراءات بر زماندن بری تدریجاً دوام ایده کلن تدنیات بحریه مزك بردن بره درکه ضعه قدر سقوطنی موجب اولان احوالندن در .

ایشته شو قرارك نتایج مضره سنندن اولهرق دونمای عثمانی آرتق ونديك دونماسیله میدان محاربه سی ایده مز اولمش و دولت علیه نك آق دکرده کی حیرت بخش اولان شوکت بحریه سی بوسبوتون زواله یوز طوتمش در .

(۱۰۹۴) تاریخنه قدر بحرأ بر وقعه سبق ایتمه دیسه ده تاریخ مذکورده ونديك حکومتی موره اوزرینه بر دونما و بر اردو سوق ایلهدیکندن ینه دکرده وقرده نأرة حرب و جدال آلو افروز اشتعال اولدی .

قره مصطفی پاشا اوستریا محاربه سنه عزیمتدن اول ونديك حکومتك

دوات علیه علیه بر فکر تجاوزکاری بسله مکده اولدیغنی درك ایله مش اولدیغنه مبنی (۱۰۹۳) سنه سنده احتیاطاً ایکیسی الی ایکیشر و سگری قرق بشر ذراع طولنده (۱۰) قطعه قالیون انشاسنه باشلاتدیرمش و فاضل احمد پاشا نظامی فعلاً فسخ و ابطال ایلمش ایدی . بو قالیونلرک درت قطعه سی اوچر انبارلی اوله رق سکساز و (۶) قطعه سی ایکیشر انبارلی اولوب آلتیشر طونج طوپی حامل ایدی .

(۱۰۹۶) تاریخندن اعتباراً مصرلی زاده ابراهیم پاشا و عموجه زاده حسین پاشا و اورسه بوجه ابراهیم پاشا کبی مقتدر ذاتلر مقام قپودانییه اصعاد اوله رق ترقیات بحریه یه یکیدن بر اساس قوی وضع ایدلمش و قالیونلر رفته رفته تکثیر و اربابی توفیر و توقیر اوله رق ترسانه عامرده قالیونجیلق اموری خلیجه ایلری یه کوتورلمش و بو زماندن اعتباراً دولت علیه قوه بحریه سندن تدریجاً استفاده ایتمه که باشلامش در . ایشه شو اصلاحات و تجددات سایه سنده (۱۰۹۴) تاریخندن (۱۱۱۰) تاریخنه قدر (۱۶) سنه دوام ایدن و آوستریا ، روسیه ، له ، و ندیک حکومتلریله اوغراشمقدن عبارت اولوب نتیجه سی قارلوفچه معاهده مضره سیله ختام بولان محاربات متسلله ده دولت بحراً مظفریات متابعه اکتساب ایله دیکی و هیچ بر محاربه بحریه ده مغلوبیت یوزی کورمیدیکی حالده برأ وقوع بولان مدهش انهمزاملر سائقه سیله معاهده مضره مذ کوره نك عقدینه مجبوریت کورمش در .

(۱۱۱۰) تاریخندن سوکرده هر سنه برایکی قالیون انشاسنه دوام اوله رق دونمانك مقداری تزئیده چالیشلدی .

(۱۱۱۴) سنه سندن اعتباراً روسلر آزاق دکیزنده دونما تدارکاته باشلا دقلرندن کرچ بوغازنده برقلعه انشا و اوکنه کیرطاشلر القا و اوله رق بوغاز طولدیرلمق صورتیله مذ کور دونمانك قره دکیزه مروری منع

ایدلك چارہ سنہ توسل ایدلیدی کی پورتکیزلرک تجاوزاتنه مقابله قصدیله بصرده برقاچ قالیوندن عبارت بردونما انشاسنه تثبث اولندی و (۱۱۱۸) سنہ سنده الی اوچر واللی بشر زراع طوانده (۶) قطعہ قالیون بردن انشا اولنوب دونمایه الحاق ایدلیدی.

قالیونلر ایچون یتیش سکسان قنطار ثقلتیده تیمورلر انکلتزهدن مبايعه ایدلمکده ایکن (۱۱۲۰) تاریخنده خبرده چی اوجاغندن علی اوسته نامنده برهنرور طرفندن اعمال ایدلمکده باشلانیلدی و بوخصوص ایچون ترسانده برده فابریقه وجوده کتیرلیدی.

(۲۲ و ۱۱۲۱) سنہ لرنده (۴) قطعہ قالیونک امر انشاسی ختام بولمغله رسم تنزیلاری اجرا و (۲۳) سنہ سنده روسیه دولته اعلان حرب اوانه رق (۲۷) قطعہ سی قالیون اولمق اوزره (۳۶۰) قطعہ سفن حربیه و نقلیه دن مرکب بردونما تره دکیزه و (۸) قطعہ قالیوندن عبارت برمفرزده آق دکیزه اخراج اولندی؛ فقط حربک بدایتنده بالطه چی محمد پاشا طرفندن روسیه چاری بویوک پترواردوسیله برابر پروت نهری ساحلنده کی فالچی باتاقلیغنده صیقشدرلمغله دولت علیه نك آرزوسنه موافق بر معاهدۀ صلحیه عقد ایدلیدیکنه مبنی دونما بلا حرب استانبوله عودت ایلدی.

(۱۱۲۶) سنہ سنده وندیکه اعلان حرب اولنوب ایرته سی سنه ایلک بهارنده (۱۰۰) قطعہ سفائندن عبارت بردونما موره صولرینه کوندرلیدی. اولاً تینوس آطه سی، بعده اناپولی، قورون، مودون، ناوارین قلعهلری ایله چوقه، آیامورا آطهلری فتح والحاصل موره شبه جزیره سی کاملاً استرداد اولندقدن باشقه کرید سواحلنده کائن سوده، اسپرلوقه قلعهلری ده تسخیر ایدلیدی. (۲۸) سنہ سنده آوستریا دولتی طرفندن ده حربیه اشتراك اولندی. بوضرده دونما قورقو

آطه سنك فتحه مأمور ایدمكه او طرفه عزیمت ایدوب (۲۳) قطه
قالیوندن عبارت برونديك دونمانه بالتصادف بش ساعت محاربه
ایده رك مذکور دونمائی مغلوب وقورفو لیمانه التجایه مجبور ایلهدی؛
فقط آوستریایه قارشى برأ مغلوبیت وقوع بولمغه قورفو محاصره سندن
صرف نظر ایدلدی .

(۱۱۲۹) تاریخنده ونديکيلر آوستریايلرله برابر آق دكيز
بوغازینی آبلوقیه تشبث ایتدیلر ایسه ده دونمائی عثمانی ، متفقلى
ایمروز آطه سی جوارنده قارشىلا یرق اوچ کون دوام ایدن محاربه ده
مغلوب ایدوب موره صولرینه قدر تعقیب ایله پك چوق خساره
اوغراتدی . (۱۱۳۰) سنه سنده ماتبان بورونی اوکنده ونديك
دونمائی برفا انهمزاه اوغرا دلدی وسنه مذکورده ونديك جمهوریتيله
طالبانه فقط آوستریا حکومتيله مغلوبانه بر مصالحه عقد ایدلدی .

امدی شو مصالحه نك تاریخ عقدی اولان (۱۱۳۰) سنه سندن
اعتباراً چشمه فلاکت خبیعه سنك وقوع بولدینى (۱۱۸۴) تاریخنه
قدر دولت علیه نك جریده وقوعاتنده بحرأ بروقه عظیمه سبق
ایتمه مش در .

(۵۴) سنه دن عبارت اولان شو اوزون مدت ظرفنده دولت
عثمانیه نك ابتدای دوراستیلا سندن بری بحرألك بویوك رقیب ومعارضی
اولان وداثا کنديسیله اوغرا شيلمغه مجبوریت بولنان ونديك جمهوریتی
آرتق کرداب محو وانقراضه طوغری توجیه سکان رحلت ایتش وبرسیر
سریع ایله قطع طریقه ابتدا ایله مش اولمغه غرب طرفندن هر آن
ظهورینه انتظار اولنان کثاتلی فورتنه بولوتلرینك آغیر آغیر افقك
تحتیه طوغری چکیله رك نظرلردن غائب اولمالرینه مقابل کویا، که
شمالك بوزلی وموحش صحرالردن شدید وبارد روزکارلرك وودهشت

انکیز قاصرغہ بورالینک وزان اولہ جغہ براعت استہلال اولان بر سکونت عجیبہ اورتہ لقدہ حکم فرما اولمغہ باشلامش در .

سواحل دولت علیہدہ ابتدا دکیز فنارلری انشاسنی کیفیت مہمہ سی ۱۱۳۳ تاریخنہ مصادف اولوب اول امرده باغچہ فناری و بعدہ قیز قلہ سندنہ و ۱۱۷۰ تاریخندہ آخور قپودہ بر فنار ایتقاد ایدلدی . ۱۱۳۴ سنہ سندنہدہ اوچ انبارلی قالیونلرک تکثیرینہ و دیوانخانہ ہدم اوانوب وسعت وجسامتجہ اولکینہ فائق بر بنانک وضع اساسنہ و بحر احمر ایچون سویش ترسانہ سندنہ براغچہ دونما انشا و تجہیزینہ باشلانیلدی .

۱۱۴۸ دن ۱۱۵۲ یہ قدر دوام ایدن روسیہ و آوستریا محاربہ سندنہ دونما ضرر قرہ دکیز و آزاق دکیزی وطونہ نہرندہ پک چوق خدمات نافعہ اجر اسنہ موفق اولدی وایلک دفعہ اولہرق روس دونماسیلہ تقابل ایدوب ؛ فقط روسلر محاربہ جہسارت ایدہ میہرک صیغہ صولردہ کیلیرینی یاقق صورتیلہ دکیزہ دوکولیدیلر . بو محاربہدہ دولت علیہ آوستریادن بلغرادی استرداد ایلہدیککی کبی آزاق قلمبہ سنی ہدم ایلہ بحر سیاہک بر عثمانلی دکیزی اولدینغی روسیہ تصدیق ایتدیردی .

دور مذکورده عثمانلی ترسانہ سی انشات بحر یہ فی فن و صنعتہ موافق بر صورتہ ایلری کوتورمش وغایت جسیم و متین قالیونلر انشاسیلہ دونمانک قوہ مادیہ سنی اغیاری تدهیشہ کافی بردرجہ تکملہ ایصالہ موفق اولمش ایدی .

دونمای تشکیل ایدن سفائن متنوعہ میانندنہ باخاصہ قالیون صنفندن اولان سفائنک تکثیر وجسامتیرینک تزیید و آغیر طوپلرلہ تجہیز خصوصیلرینہ (۱۱۱۵) تاریخندن صوکرہ پک زیادہ غیرت صہ فی ایلش اولدینغی وحتہ سلطان احمد خان ثالث عصہ ندہ دونما

میاننده اوچ قنطار، یعنی (۱۳۲) عتیق قیه ثقلتنده مرمی انداخت ایدر طوپلری حامل قالیونلر بولاندینی توارینخک اخباراتیله ثابت در. اوچ انبارلی تعبیر اولنان و باتریلرنده طقسار پاره یی متجاوز طوپلری بولنان ۶۱،۵ زراع طولنده جسیم قالیونلرک انشاسنده ینه شهریار مشار الیهک عهد حکومتده باشلانیدی. سلطان محمود اول عصرنده ایسه ترقیات بحریه یه برقات دها صرف مساعی قلنهرق دونمانک تکشیر وتنسیقنه پک زیاده اهتم اولندی.

شو مساعی و اهتم نتیجه سی اولهرق دولتک قوه بحریه سی ینه تجدد وتوسع ایله دی ایسه ده آریدن چوق زمان مرور ایتهدن، یعنی سلطان عثمان ثانیک عهد سلطنتندن اعتباراً بحریه مزینه بالتدریج تدنی یه طوغری خطوه انداز اولمغه باشلادی.

(۱۱۸۲) تاریخنده روسیه دولتیله یکیدن حربیه مباشرت اولندی و محاربه تمام (۶) سنه دوام ایدوب دولتمز ایچون خسارات عظیمه ومهمه یی موجب اولدی.

(۱۱۸۳) سنه سنده روسیه حکومتی قونت علکسی اورلوفک نظارتی و آمیرال اسپریدوفک قومانداسی آلتیه ویردیکی (۱۲) قالیون و (۱۴) فرقتین ایله عسکر حموله لی برطاقم نقلیه سفائنندن مرکب بردونمای بالطق دکیزندن آق دکیزه کوندردی. بودونماده روسلردن زیاده انکلیز ودانیمارقه لی وروم وسائر ملتلردن آمر وضابط وعسکر اولمق اوزره پک چوق اجانب موجود ایدی. دونمانک وظیفه سی موره روملرینی آیاقلاندرمق و عثمانلی دونماسیله بوی اولچمکدن عبارت اولمغه موره صولرینه ورودینی متعاقب برنجی مقصدینی سهولتله اجرایه موفق اولدی؛ یعنی موره قطعه سنده آتش اختلال ایچنده یانوب قاورولمغه باشلادی. فرداسی سنه قبودان حسام الدین

پاشا قومانداسیہ (۲۰) قطعہ فی متجاوز بردونما آق دیکزه سوق ایدلدی .
 پاشای مشارالیه دونمانک قسم اعظمی آطہ لر آردہ سندہ براقوب برکوچوک
 مفرزہ ایلہ مورہ صولرینہ کلہرک روسیہ دونماسیہ بر مصادمہ اجرا
 ایلہدی ؛ فقط دہا غالب ومغلوب تعین ایتہدن اناپولی لیمانہ چکلدی .
 روسلر مذکور لیمانہ هجوم ایتدکری حالہ بر اوچ انبارلی قالیون
 ضایع ایلہ دکلرندن کری چکلہ مکہ مجبور اولدیلر . ایرتہ سی کونی منکشہ
 آچیق لرنده برایکنجی مصادمہ دہا وقوع بولدی ایسہدہ ہوانک عدم
 مساعدہ سنہ مبنی طرفین یکدیگرندن آیریلہرق حسام الدین پاشا دونمانک
 قسم باتدسیہ برلشوب ساقز جہتہ چکلدی . نہایت ایکی مخاصم دونما
 قویون آطہ لر جوارندہ ینہ بر محاربہ خونریزانہ یہ مباشرت ایتدیلر .
 جزایرلی غازی حسن بک را کب اولدینی قالیون ایلہ روسیہ آمیرالی
 اسپریدوفک قالیونہ چاتوب معیت موجودہ سیلہ مذکور قالیونہ
 کچدیکنندن طرفین عساکری بیندہ دہشتلی بر مقاتلہ باشلادی . حسن
 بک بر مہم یارہ آلدی ؛ فقط خصمنی دہ مغلوب ایدہرک قالیونی تسخیر
 ایتک مرتبہ سنہ کتیردی ؛ چونکہ روسلردہ (۷۰۰) نفر تلفات وقوعہ
 کلمش ایدی . نہ چارہ کہ بومیانندہ طرفیندن آتیلانال خمبرہ لرلی قالیونلرک
 ایکسینی دہ طوتوشدیردیغہ مبنی صرف اولنان مساعی فائدہ ویرمہ یوب
 آتش جہخانہ لرینہ سرایتلہ کیلر برہوا اولدی . آمیرال اسپریدوف
 وعلکسی اورلوف بر فلکہ کیہ را کباً فرار ایتمش ، غازی حسن بک دہ
 آغزندہ یتاغان اولدینی حالہ کنڈینی دیکزہ القا ایدہرک شہناورلکلہ
 ساحل سلامتہ چیقابیلمش در .

بوهائلہ فیجیعہ جریان ایدرکن طرفین دونماری حربی تعطیل
 ایلہ نتیجہ یہ انتظار ایتدیلر . بعدہ ینہ محاربہ یہ باشلانلدی ایسہدہ
 حسام الدین پاشا دائماً دشمندن اوزاق بولنق تدبیرندہ اولدینی کبی

اصرای سائرہ دہ عین حرکت لہ کو شکلک کو ستر دکارندن حربدن
بر نتیجہ قطعہ آلہ مادی واقشام تقرب ایتکہ عثمانلی دوتماسی خطا
اندر خطا اولہ رزق طار و آچیق اولان چشمہ لیانہ ، روس دوتماسی دہ
قویون آطہ لری ساحلہ چکلدی . موسقوف دوتماسندہ کی ، بویاکاش
حرکتی کورن انکلیز امراسی ، لیلاً لیانک آغزینہ کلہ رک داخلندہ کی
عثمانلی دوتماسی آتش کیلری سوقیلہ احرا تہ موفق اولدیلر . ایرتہ سی
کونی دہ موسقوفلر قرہ یہ چیقوب چشمہ قلمعہ سنی تسخیر ایلہ موجود
طوبلری دوتمالرینہ نقل ایتدیلر .

شو مدہش فلاکتک وقوعہ سبب یالکز حسام الدین پاشانک
جہانت وسوء تدبیری اولمایوب دوتماسہ بوانان رؤسا - برقچ ذاتلر
مستثنا طوتولنجہ - قدم واستحقاق واقتدار ولیاقت آرانمق سزین
التماس والتزام و دہا بیلیم نہ کونا وسائطلہ قپودانلق یاقالامش فنون
وصنایع بحریدن غافل و حیل و دسایس حربیہ دن زاہل بر آلا ی
جاہل اولدقلری کبی عسا کر بحرہ نامی آلتندہ بولنان کروه دخی
عادتا قوہ جبریہ ایلہ اوتہ دن بریدن جلب و جمع اولمش ارغاد و چفتچی
مقولہ سی دیوشیرمہ نفرات اولدقلرندن کھی تولالانمق و دکیژدہ حرب
ایتمک مثالی امور مہمہ و مشککہ شویلہ طورسون حتی ادنا تلاطم ظہورندہ
آیاق اوستندہ طورمق شرنہ بیلہ نائل اولہ حق اقتداری دہ حائز دکل
ایدیلر . ایشہ دوتمانک قوہ منویہ سی و روحی مثابہ سندہ اولان ہیئت
عسکریہ سی بو حاندہ بولونجہ کیلر ہرنہ قدر جسم و متین اولسہ لردہ
بالطبع روح سز جسد کبی معطل اولہ جقلری و برایشہ یارامیہ جقلری
بدیہ پیدر .

موسقوفلر بیہودہ یرہ برخیلی زمان غائب ایتدکدن صوکرہ
مرددانہ بوغازہ هجوم صد دندہ بولندیلر ؛ فقط شدتلی بمداغیہ تصادف

ایتدکلرندن صرف نظرله لینی آطہ سنہ استیلا یچون دونمالرندن عسکر
 چیقاروب قلعہ سنی محاصره تحتہ آلدیلر. محاصره (۶۰) کون امتداد
 ایتدی. بوسرہ دہ یارہ سی التیامپذیر اولان غازی حسن بک جمع ایدہ بیلدیکی
 درت بیگ نفر کوکلی ایله استانبول و کلبولی قایق لرینہ راکباً لینی یه
 کیدوب لیلاً قرده یه چیقدی و شفقلہ برابر اورلوفک خط محاصره سی
 اوزرینہ ییلدیرم سرعتیله بقتہ هجوم ایدوب روسلرک محاصره دہ
 مستخدم طوپچی و پیاده و بحریہ نفراتی یایمش اولدقلری شرانیوللر
 ایچندہ خنجر و طباخجہ و یتاغانلرله مسلح اولان عثمانلی فدائی لاری
 طرۃ العین ایچندہ قهر و تدمیر ایدرک محاصره نک رفعنه موفق
 اولدیلر. روسلر بورای دہ پواس الحركات اتخاذ ایتک فکرندہ
 بولندقلرندن پک چوق لوازم و مهمات حربیہ ادخار ایله مشلر ایدی.
 جملہ سی اغتنام ایدلدی.

میر شجاع تسمیرہ مکافہ رتبہ وزارتله قیودانلق توجیہ اولندی
 وینہ بوسرہ دہ استانبولدن (۱۰)، اولکون وبار طرفلرندن (۱۰)
 قطعہ سفائن بالتدارک لینی یه ارسال ایدلمش اولمقلہ حسن پاشا بوکوچوک
 دونما ایله موسقوف دونماسی اوزرینہ هجوم ایدوب شدید بر محاربه یه
 طوتوشدی و طرین ضایعات عظیمہ یه اوغرا دقلری خالدہ مظفریت
 طرف عثمانیاندہ قلمقلہ موسقوف دونماسی لینی جوارندن طرد و تبعید
 ایدلدی. والحاصل غازی حسن پاشانک فدا کارلنی سایہ سنده دولت
 آق دکیزدہ اوغرایه جنی قطعاً ملحوظ اولان دها پک چوق تہاکہ لردن
 خلاص اولدی.

حسن پاشا روس دونماسی لینی جوارندن تبعیدہ موفق اولدقدن
 صوکرہ استانبولہ عودقلہ دولت علیہ ایچون وجودی لزوم قطعی
 تحتندہ اولان و چشمہ حادثہ سنده جہالت و ادارہ سزلک نتیجہ سی

اولہرق الدن چیقارلش بولنان قوۂ بحریہنک یرینہ قائم اولمق اوزرہ سکز قطعہ قالیونک بردن انشاسنہ مباشرت ایلہدی.

خلاصہ قرہدہدہ وقوع بولان مغلوبیات متابعہ اوزرینہ آرتق حربہ دوام ایتک ممکن اولہمایہجنی آکلاشلدیغنے مبنی (۱۱۸۸) سنہسی قاینارجہ معاہدہسی نامیلہ مشہور اولان ودوات علیہنک خرابیسنہ باعث مستقل بولنان معاہدہنامہسنک امضائمسنہ مجبوریث کورولدی.

بعد المصالحہ غازی حسن پاشا استانبولہ جلب ایلہدیکی بر انکلز انشائیہ مہندسنک انضمام معاونتیلہ سفائنک آرمارینی بوتون بوتون دیکشدیرمش ویوکسک اولان تیچلرینی برکوزل شکلہ افراغ ومنتظم طوپ لومبارلری کشاد وبوردهلرینہ ایکی صرہ طوپلر وضع ایلہ سفائن مذکورہنی انکلز اصولنہ ارجاع ایتدیرمش واصل مذکورہ اوزرہ یکیدن برچوق سفائن حربیہ دہا انشاسنہ موفق اولمش در. والحاصل مدت قلیلہ ظرفندہ چشمہدہ محترق اولان دونمادن اعلا بر دونما وجودہ کتیرمش در.

جزایر وسائر آفریقہ ولایتلرندن و آدریاتیق دکزینک سواحل شرقیہسی اہالیسندن مہارتلی کیجیلر طوپلایہرق یکی دونمای بونلرلہ تجہیز ایتمش ومارینرک وغایبار و آرمہ دورلق کبی خدمات ملاحیہ ایچوندہ آق دکز روملرینی استخدام ایلمش در.

حسن پاشا سفائی تعمیر مقصیلہ قرہیہ چکمک ایچون ترسانہدہ موجود بردار آغاجنہ بردها علاوہ ایتدیکی کبی عساکر بحریہنک دائماً حاضر بوندیرلماسی املیلہ کیسۂ حیتندن قاسم پاشا قشلہسنی دہ بنا ایتدیردی. (۱۱۸۹). دونمایہ مقتدر ومعلم ضابط یتشدیرمک ایچون «ہندسہ خانہ» نامیلہ بر «مکتب بحریہ» کشاد ایلادی. بومکتبک

پروغرامی مشهور بارون طوت طرفندن ترتیب وتنظیم وبعض اجنبی معاملہ رده جلب واستخدام ایدلی؛ فقط ہر ایشک مبادیسنده اولہ کلدیکی وجہ ایله بو مکتبک ابتدای تأسسنده ده اعلی وادانیدن علیہندہ اطالہ لسانہ جرأت ایدن برچوق جہلا بولندقدن باشقہ امرا وضابطان بحریہدن بیله حسن وقبجی تفریقندن عاجز بر الای سبکمزغان « بزه حساب و ہندسہ نك نہ لزومی وار؟ قرائت و کتابتہ محاربہ می اولورمش؟! » کبی بر طاقم ہدیانلر وسفسطہ لرلہ تفاخرات جاہلانہدہ بولندیلر وعقللرنجہ کویا غازی حسن پاشایہ اعتراض ایله دیلر؛ لکن بوصف یادکارلر بیله عسکر ایکک ننون ومعارفہ توأم اولدیغنی وتعلیم واستیناس ایله وجود بولدیغنی حقیقتی آرددن چوق زمان کچمکسزین آجی آجی تجربہ لرلہ آکلایہ بیلدیلر . نہ چارہ کہ بو دارالتعلیمک ثمرہ خیریه سی اولان ننون وصنایع بحریہ هنوز تعمم ایتمہدن ودرجہ کمالہ کلمہدن روسیہ سنری ظہور ایدوب بر طاقم غوائل عظیمہ ومشکلہ یہ میدان آچیلمنہ بوسبوتون سد وتعطیل جہتہ کیدلی ومؤخرأ احياسی خصوصی سلطان سلیم نازنالت حضر تیرینک ہمت نہیریاریلریلہ حصول بولدی .

(۱۲۰۰) تاریخندہ دولتک دونماسی باشلیجہ قرق تطمہ قانوندن عبارت اولوب فقط روسیہ حکومتیلہ عن قریب بر محاربہ نك ظہوری ملحوظ اولدیغنے وحکومت مشار الیہانک قرہ دکیز وبالطرق دکیزندہ بر خیالی سفائن حریہ سی اولمنہ برابر آق دکیزدہ ده آیریجہ بر فیلوسی بولندیغنے منی قوہ بحریہ سی عددأ دونماضرہ فائق اولدیغندن دولتیجہ قالیونلرک یوزہ ابلاغنے قرار ویرلمش ومساعد محللرده انشاآتہ بیله باشلانیلمش ایسہدہ برسندہ وکرہ قورقولان تہلکہ باش کوسترمش ،

یعنی روسیہ دولتی طرفین دولتمزہ اعلان حرب ایدلمش اولمغله
تثبت واقعدن استفادہ ایدیلہمہ مش در .

ینہ بوسنہ (۶) قطعہ سی انکلتزہ و دیگر لری بصرہ و بغداد دہ
انشا ایتدیریلہرک بصرہ دہ اولدقہ قوتلی برفیلو وجودہ کتیرلدی .
غازی حسن پاشا قبل الحاربه دونما ایلہ اسکندریہ کیدوب
مصر دہ ظہور ایدن، بر عصیانی غایت قانلی تأدیبات ایلہ تسکینہ موفق
اولدی .

روسار طرفیندن اعلان حربی متعاقب آوس-تریایلردہ اظهار
خصومت ایتدیلر . (۱۲۰۵ و ۶) سنہ لرینہ قدر محاربه دوام ایلہدی .
حربک دوامی مدتجہ قرہ دیکزہ روسلرلہ برقاچ مصادمہ وقوع
بولدی . ابتدای حربہ روسلرک قرہ دیکزہ دوئماسی (۸) قالیون
و (۱۲) فرقتین ایلہ (۲۰۰) قدر شالوپہ دن عبارت ایدی . اوزی
[او قزاقوف] تلہ سی پیشکا ہندہ ایجہ دوئنامز برخیلی ضایعاتہ اوغرا دی،
نقطہ ییلان آطہ سی جوارندہ وقوع بولان محاربه دہ روس دوئماسی مغلوباً
سیواستوپولہ رجعت ایتدی . دوئنامزہ مذکور لیانہ قدر آنی
تعقیب ایلہ دکن سو کرہ-لیمان مستحکم اولمق حسابیلہ کیریلہمہ دیکندن-
سنہ یہ عودت ایلہدی . (۱۲۰۳) سنہ سندنہ بویوک و کوچوک (۱۵۰)
قطعہ سفائن دن مرکب اولان دوئنامز ینہ قرہ دیکزہ چیقدی .
بوسفر دہ روسلرک یالاکز بر فرقتینی باطیریلہ بیلیدی . فرداسی سنہ
(۴۰۰) قطعہ یہ قریب بر دونما ایلہ قرہ دیکزہ چیقیلوب مواقع لازمہ یہ
فیولر تفریق واعزام ایدلدی . نخل بورونی جوارندہ (۳۲) قطعہ
روس و (۲۵) قطعہ عثمانی دوئماسی آرسندنہ بر محاربه وقوع بولہرت
طرفین نفوسجہ برخیلی ضایعاتہ اوغرا دی . روسار درت فرقتین
غائب ایتدیلر و مغلوباً فرار ایلہ دیلر . ینہ بوسنہ خرجه بک (اودہ سا)

جوارنده (۳۷) روس و (۱۹) عثمانی دونمائی آرمنده بر ایکنجی محاربه وقوع بولدی. دشمنک بر قالیونی احراق ایدلدی. اوکیجه هوا فورطنه لی کچدیکندن قبودانه قالیونی بیلیمکسزین اوزی صولرنده لنگر انداز اولان روس دونمائی ایچنه دوشمکله آلتی ساعت محاربه دن صوکره جبخانه سنی آتشلیه رک رامپا اولدینی بر دشمن قالیونیه بر ائکده یانوب کیتدی.

بوصرده روسیه حکومتی نامه حرکت ایدن یونان اشقیاسنک قورصان دونمائی آق دکنز فیلوسی طرفندن زیبا آطه سی جوارنده صیتشدیریلوب قهر و تدمیر و جزیره مذکوره استرداد ایدلدی. (۱۲۰۵) سنه سننده قره دکنزه چیقاریلان دونماض کلغراد صولرنده روسلرله نتیجه سز بر محاربه اجرا ایلهدی. هرایکی طرفده زیاده جه ضایعاته اوغرا دی. بعد الحرب روسلر امنه اوکنده تیمورلیه رک کیمیرینی تعمیر ایتدیلر؛ فقط ایکی قطعه سی تعمیر قبول ایلهمه دیکنه مبنی آنلری یئتدیلر.

بوسنه آوستریا ایله ایرته سی سنده روسیه ایله مصالحه عقد ایدلدی.

سفر مذکورده دونماضک سفائن جنیمه دن عبارت اولان قسمی روسیه دونماسنه غلبه ایله نائل مونقیت اولش ایسه ده ایچنه دونماض عدداً تللیل اولقی حسیبیه مکرراً دوچار مغلوبیت اوله رق. زیاده جه ضایعاته اوغرامش وعسکر بیننده ظهور ایدن بر خسته لک ضایعات واقعه نی تکثیر ایلهمش در.

مصالحه دن صوکره سلطان سلیم کندی بنده خاصی اولان کوچوک حسین پاشانی مقام قبودانی به اصعاد ایلهدی. مشارالیه ترسانه امورینی تنسیق وقانونجهی حشریلرینی تأدیب ایله تحت انتظامه آلدی ومکتب

بحریہ بی تأسیس ویکیدن کیلر و طویل اعمال واستحکامات بحریہ بی تعمیرہ موفق اولدی .

(۱۲۱۳) تاریخندہ ناپولئون بوناپارت مصری استیلا ایله دیکندن انکلتزه و روسیه ایله اتفاق اولندی . آمیرال نلسون ابوقیر لیمانده فرانسزدونتماسنی یاقدینی کبی روس و عثمانلی دونتماسی ده برلکده اوله رق جزائر سبعه ایله پرده وزه و پارغه قلمه لرینی فرانسزلردن استرداد ایتدیلر .
(۱۲۱۶) سنه سنده صدر اعظم یوسف ضیا پاشا و قپودان کوچوک حسین پاشا انکلیزلرکده اعانه سیله برأو بجزراً تصدیق ایدهرک فرانسزلی مصر دن حیقاردیلر ؛ فقط بالآخره فرانسه حکومتیله دوستلق عقد ایدلرکنه مبنی (۱۲۲۱) ده روسیه حکومتی دولت علیه یه اعلان حرب ایلدی . بو ثناده انکلیز دونتماسی ده بوغازی کچوب استانبول جوارینه قدر کلدی ایسه ده هیچ برخسار ایقاع ایدمه دن کلدیکی کبی حیقوب کتیدی و بوغازدن حیقارکن ایکی کمی غائب ایتدی .
(۱۲۲۷) ده روسلرله مصالحه عقد ایدلدی . بو محاربه نك دوامی مدتجه قره دکزده اهمیتلی بروقه سبق ایتمه مش در .

(۱۲۳۷) تاریخنه قدر بجزراً بروقه جریان ایتمه دی ؛ فقط تاریخ مذکورده یونان استقلالانی انتاج ایدن روم فترتی باشلامقله (۱۲۴۰) ده قپودان دریا خسرو پاشا قوماندانسنده کی دونما ایله ایپصاره و سیسام آطه لری اهاالسنی تأدیب ایتدکن صوکره میسولونکی اوکنده روم اشقیاسنک کثرتلی دونماسنه تصادف ایدوب میانه ده بریویوک محاربه وقوعه کلدی واشقیما پک قطعی برانزمام ، اوغرا دیله رقی کاملاً قهر و تدمیر ایدلدی .

عصیانک تمادیزی سبب عد اولنه رق انکلتزه ، فرانسه ، روسیه حکومتلری صرف امور داخلیه مزدن اولان بومسئله یه فضولی مداخله

ایتدیلر. میسیولونکک و آتہنک اشقیایندن استردادندن صوکرہ
مداخلہ واقعہ کسب شدت ایدوب مورہ روملرینہ امتیاز ویرلمہ سی
کبی برتکلیف باردی انتاج ایله دی. حکومت عثمانیہ بوتکلیف غیر محقی
قبول جہتنہ تمایل ایتہدیکی جہتلہ دول مشار الیم (۱۲۴۳) سنہ سی
اوائلندہ یونان صولرینہ برر فیلو کوندره درک مورہ شبہ جزیرہ سی
سواحلی آبلوقہ ایتک حقمنراغندہ بونیدیلر. مورہ نک بری و بحری
قوماندانلی مصرلی ابراہیم پاشا عہدہ سندنہ اولوب عثمانلی دونمائی
قپودانی ہایون چنکال اوغلی طاهر پاشا و مصر دونمائی محرم بک
ادارہ سندنہ اولدینی حائدہ چاملیجہ آطہ سی اوزرینہ حرکت ایتک اوزرہ
ناوارین لیمانندہ اجتماع ایلمش ایدی. دول نلاٹہ ایلہ حکومت عثمانیہ
میانندہ رسماً و شکلاً عداوت اولمادیغی حالہ سنہ مذکورہ اوائل
ربیع الاولدہ دونمالری متفقاً صورت دوستانہ نہ ناوارین لیمانہ بالدخول
اسقارچہ وضعندہ بولنان عثمانلی و مصر دونمائی اوزرینہ اورتہ دہ هیچ
برسبب معقول و مشروع موجود دکل ایکن حقوق دولی پایمال ایدن و تاریخ
مدنیتہ الی الابد سیلنمز برلکہ براقان بر حرکت متمدیانہ بی بالا جرا
بغتہ آتشہ باشلایہ رق درت ساعت ظرفندہ موجود سفائی تخریب
واغراق و احراق ایتدیلر. بویوک و کوچوک (۵۱) قطعہ سفینہ من
ضایع اولوب بر طاقملری دہ قرہیہ او طورمش و یانکیز برکی ایلہ
چنکال اوغلی فراراً قورتولہ بیلمش در .

شوہائلہ نک وقوعندن صوکرہ دخی دولت ینہ مورہیہ امتیاز
اعطاسندن مجانبت ایلہ دیکنہ مبنی بر نلاکت متممہ اولق اوزرہ
(۱۲۴۴) سنہ سندنہ روسیہ حکومتی اعلان حرب ایلہ دی و محاربہ
(۴۵) سنہ سنہ قدر دوام ایدوب ادرنہ معاهدہ مضرہ سیلہ ختام بولدی.
مقام قپودانی یہ اصعاد ایدیلن چنکال اوغلی طاهر پاشا سلطان

محمود خانك اواخر سلطنته طوغری امور بحریه یی فوق العاده ابراز فعالیتله ایلری کوتورمكه سعی و غیرت ایدمك (۱۰۰) قطعه قالیون و فرقتین و قروت و بر اوقدرده بریق ، اسقونه ، قونطره کبی سفائن صغیره وجوده کتیردرك دولتك دونماسنی ینه بر حال مکملیتله ارجاعه موفق اولدی .

(۱۲۵۵) ده سرعسکر خسرو پاشانك خشونت و غرضکارانی یوزندن آق دکنزده بوئان قپودان احمد فوزی پاشا حیانتدن امین اوله مایه رق دونمائی اسکندریه لیمانه قاجیروب محمد علی پاشایه تسلیم ایلدی .

دونماضابطان و افرادندن برطاق ارباب حیمتک صند لیرله اسکندریه لیمانندن بالغرار نیجه مشکلات عظیمه یی اتحام ایدمك استانبوله قدر کادکلی و بوجه ایلله ابراز صداقت و فداکاری ایتدکلی شایان تذکار وقایع مهمه دن در .

(۱۲۵۶) ده انکلتزه ، آوستریا ، روسیه ، پروسیه دولترینک انضمام معاونتلیله مصر و قعسه سی ختام بولدیغندن دونما هیئت جموعه سیله استانبوله اعاده ایلدی .

(۱۲۶۹) ده امتیازات مذهبییه مسئله سندن طولای ینه روسیه حکومتیه محاربه یه مجبورت حاصل اولدی . بدایت سفردده بری روم ایللی و دیگر آناطولی سواحلی محاذله ایتمک مأموریتیه ایکی خفیف فیلو بحرسیا هه چیقارلدی . ظهور ایدن بر فورطونه سبیلله بوایکی فیلو یکدیگری متعاقب سینوب لیمانه التجا ایتش و نقطه لزومندن فضله تمدید اقامت ایلهمش اولدقلرندن (۱۲۷۰) سنه سی صفرینک (۲۷) نجی کونی روس دونماسی باورود عسکرینک قسم اعظمی قرده بولنان و لمانده غیر منتظم بر صورتده یا تمقده اولان فیولر اوزرینه

آتشه باشلامش و میانه ده غایت شدید بر محاربه جریان ایدوب دشمن ده بر خیلی خساره اوغرامش ایسه ده سفن عثمانیه لیماندن قاقینه مادیغنه مینی یانوب محو اولمش در . یالکیز طائف واپوری قاجوب پک زیاده زده لشمش اولدیغی خالد استانبوله واصل و خبر الیمی موصل اولدی .

سینوب وقعه مؤلمه سی اوزرینه انکلتزه و فرانسه دولترلی حکومت سنییه یی التزام ایدوب روسیه یه اعلان حربی متعاقباً استانبول لیمانه واصل اولان دونمالرینی سفن عثمانیه ایله برلکده قره دگیر سواحلی محافظه یه مأمور ایتدیلر . ساردینیا حکومتی ده مؤخرأ اتفاقه داخل اولدی . (۱۲۷۱) ده دول متفقہ دونمائی اوده سا حرب لیمانی طوپه طوته رق تخریب ایتدی . بعده اردولر قریمه سوق ایدیلهرک باشلیجه محاربیلر قطعه مذکوره اوزرنده وقوع بولدی و بومیانده سیواستوپول دخی بومباردمان ایدیلهرک نتج و تخریب ایدلدی . دونمائی عثمانی ایچنده بالخاصه اوچ انبارلی محمودیه ایله تشریفیه قباغی خدمات عظیمه ده بولندی . (۱۲۷۲) ده پارس معاهده سیله غالبانه بر مصالحه عقد ایدیلهرک روسیه غالبانه نهایت ویرلدی .

سلطان عبدالعزیز خان عهدنده بر طرفدن مکتب بحریه نك و ترسانه نابریقه لرینك توسیع و اصلاحی و مکتب بحریه دن نشئت ایدن ضابطانك اكمال معلومات و عملیات ضمننده انکلتزه یه اعزامی و دیگر طرفدن بخار ایله متحرک اخشاب و زرهللی سفائن حربیه نك انشا و تکثیری و نابت طوریدولره دائر استحصال معلومات ایله بو مثالی وسائط حربیه نك تدارکی خصوصلرینه غیرت اولته رق دولت علیه نك دونمائی آوروپاده انکلتزه دن سوکره برنجی درجه ده براهمیت مخصوصه اکتساب ایلدی و دور مذکورده وقوعه کلن کرید اختلالنه باشلیجه یونان حکومتك تشویقات صحابتکارانه سی سببیت ویردیکنه مینی

عز الدين واپورى سواريسى غمىز حسن بكك همتيه يونانيلىرك كرىده مهمات واسلحه حربيه طاشماقده اولان آرقادى واپورى حرباً ضبط اولنوب عساكر بريهنك موفقياتي تأمين و اختلال واقع تسكين ايدلى و (۱۲۹۳) دهكى روسيه سفرنده دونماي عثمانى بحرسفيد وسياهه حاكم اولديغنه مبنى روسلرك دكيزده باش كوسترمه لرينه ميدان وىرلمدى و سوقيات عسكريه و نقلات حربيه خصوصلى بر صورت سالمه و منتظمه ده اجرا اولنه رق اردونك حركاتى تسهيله هروجه ايله خدمت و معاونت ايدلى .

وا اسفاكه بعدالحرب بالخاصه دونمانك خصم جاني اولان خاقان مخلوع كيملى ترسانه ده قيچدن قره ايدرك قطعياً محو وافنالىرى جهته يورودى . ترسانه اوكنى جسيم، ساكت بركورستانه دوندردى . وافكار و آمانه خادم اولان اركانى واسلحه سيله وطن محبي ، حميت صاحبي اولان امرا وضابطانى قهر ايتيردى .

دونمانك يوقلنى يوزندن يونانيلىرك تشويق وبالفعال معاونت ليله كريد اختلالى ميدانه چيقدى . بونك نتيجه سى اوله رق يونانيلىرله ۱۳۱۳ محاربه سى وقوع بولدى .

ترسانه اوكنده رسن بند اولان لاشه لرى بيك بلا ايله بوغازه قدر سوروكله ديلر؛ فقط ايلك طوپ تجربه سنده تيزاقلر پارچه لانه رق طوپلر كوكرته لره سرلدى . هر درلو خفى خيانتلر ميدان علانيته چيقدى .

بركت وىرسين، كه اردونك همت و غيرتى و دشمنك غفلت وياكلش حركتيله [*] مسئله مأمولك فوقنده دينه بيله جك

[*] بوغفلت وياكلش حركتلردن مقصد اللرندهكى قوتلى فيلودن حقيله استنده ايدمه ملرى در . اكر فيلولرينى بولايه قولائش اولسه ايدلر اردوى

مرتبه ده چابوق فصل اولوندى؟! [*] لکن دونماسزلق يوزوندن خلقدە حاصل اولان اغبرار و على الخصوص بر بحرى دولت ايله بالضروره براختلاف و قوغنده بوغاز بوسبوتون قپانه جغندن فريضة حجي ايفا ايچون كیده جكلرك يول بوله مايه جقلرى كې وخيم مانعەر عبدالحميدى بحق دوشونديرديكندن بر طرفدن حجاز تيموريولى خطى انشايه باشلاتدى. بوخط ايلروده آناطولى خطيله برلشهر ك حجاجى دكيز طريقندن قورتاره جق ايدى. ديكر طرفندن ده كويا دونما تدارك ايتمك نيتنده اولديغنى خلقه آكلا تمق قصديله مختلف فابريقه لره مختلف سيستم لرده - موده سى كچمش - اوافق تفك كميلر اصمارلاته رق اصول انشالرى، طوپلرى و الحاصل هر شيلرى باشقه - دونما موزه سى اطلاقه شايان - بر كوچوك فيلو وجوده كتيرمكه تشبث ايتدى.

بوميانده اسكى كيلردن بعضلرى ده كويا تعمير ايتديرلدى. والحاصل

عثمانيك تساليه جهتندن سالانيك وكسنديره كورفرز ليله آطه لر دكيزينه ويانيه جهتندن يونان دكيزينه استناد ايدن وفيلومزك حايه سندن قطعياً محروم قالان صول وصاغ جناح لرئى دائماً تحت تهديدده بولنديره رق هم حربى برخيلى زمان ايچون تمديدده موفق اولورلر، همده آطه لر و آناطولى وروم ايلي ساحل لرنده يك چوق خسار ايقاعنه موفقيته دولته بويوكجه ياره لر آچه بيليرلدى. تعليم باشقلريله طور پيدولرى دكيزه چيقار مق كې غفلت و بلكه ده خيانت و عسكر لكده كې جهالت و عدم مهارت لرى بومثالى فوائد محققه دن هيچ برينى اقتطاف ايدمه ملرينه سبب مستقل اولمش در.

شومطالعه بزمده او استبداد دورنده كې هر يوزدن اوغرامش اولديغمز بريشانى و هر صنف خلقدە كورولن عدم خشنودى و اميد سزلكى نظر دفته آلنه رق يورودلش در.


[*] آوروپا ليلرك غيرك مالندن كوستردكلارى فضول سماحت يوزندن قليبچه

قازانديغمز رحقى ده غائب ايتدك.

بویوزدنده برچوق اختلاساته وسوء استعمالاته میدان آچدی. آلمان
 کیمیلده ترسانه اوکنده کی چوروکلکه چکیلهرک متوفالره التحاق ایتدیلر.
 ایشته بووبوکی سوء قصدلر غیرت الهمیه طوقوندیغنه مبنی
 عبدالحمید عونۀ خونہ سیله برابر پریشان اولدی. ملت عثمانیه ده آلتده
 ازیلمکده اولدیغی کابوس بلای استبداددن قورتولدی. شمدی
 اوغورمزه واسع، بی پایان برترقی ساحه سی آچیلدی، غیرت ایدوبده
 ایلری کیده لم. مرسای مقصوده تعالی لنگرینی القا ایده لم!


صوک






مؤلف محترمك :

« اسفار بحریہ عثمانیہ » نامندہ کی اثرینک برنجی ، ایکنجی ،
جلدلی ایله « حقوق بحریہ دول » ی کتبخانه من دلاتیلہ یقینده
نشر اولنه جغنی ارباب مطالعه یه تبشیر ایدہرز .



وفاده هدیہ لی مزیت کتبخانه سی :

علی العموم بحری وسائر کتاب سپارشاتنی درعهده
وہراون کتابہ بر کتاب هدیہ ایدر .




فیئالی ۲ غروشدور .

عدد	میزان کتبخانه سی	فیئات
۱	دوئخاده برکینک اداره سی	۲
۲	دوئخاده توبنجی ضابطی	۵
۳	نوسال بحری (بحریه قلوبی طرفندن ترتیب ایدلمشدر)	۱۰
۴	رهبر صور کواکب	۷¼
۵	بر سیاحت ژورنالی	۳
۶	شوارتس قوبف طور پیدولری	۲۰
۷	قوانین طبیعیه	۲¼
۸	هر بهرت سپه نسه رک (دین و اخلاق) حقنده کی نظریاتی	۲¼
۹	واضع قانونلرک خطاری	۳¼
۱۰	بحریه مزک تاریخیچه سی	۲
۱۱	وارد ابا ندیرالتی	۱۰
۱۲	تاریخ ریاضیات (برنجی قسم)	۱۰

دردست طبع بولنانلر :

میزان تفکر
بر حرب کمیسنده ایکنجی وظائفی
اسفار بعیده اوچنجی قبودانلری
حساب مأمورلرینک ال دفتری
الکتریک چنتر اقلری
فیزیونومی
لیان رئیس لری وظائفی
ایتالیان ادبیاتی
غیر مدرکات



3 1761 06981507 4



DR
451
S75